

Trefniadau Derbyn

ar gyfer y Flwyddyn Academaidd 2023 -
2024

Cynnwys

Trefniadau Derbyn a Throsglwyddo Addysg Gynradd ac Uwchradd.....	3
1.1 Dewis Ysgol	4
1.2 Cyfyngiadau Derbyn	5
1.3 Meini Prawf Gordanysgrifio.....	6
1.4 Cyfeiriadau.....	6
1.5 Plant Genedigaeth Luosog (e.e. efeilliaid neu dripledi).	7
1.6 Plant personél gwasanaethau y DU.....	7
1.7 Plant sydd â Datganiad o Anghenion Addysgol Arbennig	7
1.8 Rhestrau Aros	7
2.1 Addysg Gynradd.....	7
2.2 Lleihau maint Dosbarthiadau Babanod	7
2.3 Derbyniad i Leoliad Blynyddoedd Cynnar mewn Ysgol Feithrin.....	8
2.4 Derbyniad i'r Ysgol Feithrin	8
2.5 Trosglwyddo i Ysgolion Babanod neu adrannau Babanod o fewn Ysgolion Cynradd.	8
2.6 Trosglwyddo i Ysgolion Iau	8
2.7 Newid Ysgolion: Addysg Gynradd.....	8
2.8 Derbyniad Plant i Ysgolion Uwchradd.	9
2.9 Newid Ysgol Uwchradd.....	9
2.10 Gwneud Cais am Le	9
2.11 Ceisiadau Hwyr	10
2.12 Tynnu cynigion o leoedd yn ôl.....	10
2.13 Derbyniadau Chweched Dosbarth.....	10
2.14 Amserlen ar gyfer Derbyniadau i Ysgolion Medi 2023	11
Ceisiadau ar gyfer Ysgolion Cyfun	11
Ceisiadau ar gyfer Ysgolion Cynradd	11
Ceisiadau ar gyfer Ysgolion Meithrin.....	11
2.15 Beth sy'n digwydd os gwrthodir lle i'ch plentyn?.....	12
2.16 Cofrestru eich Apêl.....	12
2.17 Gwahaniaethu yn erbyn Anabledd.....	12
2.18 Defnydd o Leoliadau Addysg	13
2.19 Fforwm Derbyn.....	13
2.20 Polisi'r Iaith Gymraeg	13
2.21 Dysgu Cymraeg fel ail iaith mewn Ysgolion Cyfrwng Saesneg.....	13

Trefniadau Derbyn a Throsglwyddo Addysg Gynradd ac Uwchradd

Yn unol â Deddf Fframwaith a Safonau Addysg 1998, diweddariadau dilynol deddfwriaethol a Chod Derbyn i Ysgolion Llywodraeth Cymru, bwriad y trefniadau derbyn hyn yw i sicrhau:

Yr ystyrir dewis ysgol cyntaf y rhieni yng nghyd-destun fframwaith deddfwriaethol sy'n ystyried darpariaeth addysg effeithiol a defnydd effeithiol adnoddau.

Y dylai meini prawf derbyn fod yn glir, yn deg ac yn wrthrychol, er budd pob plentyn gan gynnwys plant sydd ag anghenion addysgol arbennig neu sydd ag anableddau.

Bod trefniadau derbyn lleol yn cyfrannu tuag at wella safonau.

Bod yr Awdurdod Lleol yn ymgynghori ag Awdurdodau Derbyniadau cyfagos ac yn cydlynu trefniadau, gan gynnwys trefniadau er mwyn ail-gyfuno plant (lle'n rhesymol) sydd wedi eu gwahardd o ysgolion eraill.

Ei bod yn hawdd i rieni gael gafael ar wybodaeth ynghylch y trefniadau derbyn sydd o gymorth iddynt.

Nod trefniadau derbyniadau'r Awdurdod yw i fod yn unol â phob deddfwriaeth a chanllaw perthnasol, gan gynnwys deddfwriaeth ar faint y dosbarthiadau babanod a chyfle cyfartal (Deddf Cydraddoldeb 2012, Deddf Hawliau Dynol 1998 a Deddf yr Iaith Gymraeg 1993) ac yn cymryd pob sylw o ganllawiau'r Côt a gyhoeddir gan Lywodraeth Cymru.

Mae'r Ddeddf Cydraddoldeb 2010 a Chynllun Cydraddoldeb Strategol 2012 Cyngor Bwrdeistref Sirol Caerffili yn pwysleisio'r dyletswyddau cyfreithiol i'r Cyngor a'i bartneriaid. Rhaid iddynt:-

Waredu gwahaniaethu anghyfreithlon;

Hybu cyfle cyfartal;

Hybu cysylltiadau da a chyd-barch.

Bydd y Cyngor hwn yn gweithio yn erbyn gwahaniaethu ac yn ceisio creu mynediad cyfartal i bawb at ein gwasanaethau, heb ystyried tarddiad ethnig, rhyw, oed, statws priodasol, cyfeiriadedd rhywiol, anabledd, ailbennu rhywedd, cred neu ddiffyg cred, iaith, cenedligrwydd, cyfrifoldeb am bobl ddibynnol neu unrhyw reswm arall na ellir dangos bod cyfiawnhad iddo.

1.1 Dewis Ysgol

Rheolir a gweinyddir y broses derbyn plant i ysgolion gan 'Awdurdod Derbyn'. Yn achos Ysgolion Cymunedol, Cyngor Bwrdeistref Sirol Caerfli yw hwn (yr ALL). Yn achos yr un Ysgol Wirfoddol Gymorthedig (Ysgol Gynradd Gatholig Santes Helen), yr Awdurdod Derbyn yw Corff Llywodraethu'r ysgol. O fewn y Fwrdeistref Sirol, mae gan bob ysgol ardal y mae'n ei gwasanaethu'n draddodiadol a elwir yn 'dalgyllch.' Fel canlyniad i'r ddeddfwriaeth newydd, rhaid i'r ALL roi cyfle i bob rhiant fynegi hoff ddewis ysgol yr ydynt am i'w plant ei mynychu.

Nid oes gan ddisgyblion sy'n byw o fewn dalgyllch penodol yr hawl awtomatig i fynychu'r ysgol honno. Rhaid gwneud cais ysgrifenedig a bydd y lleoliadau'n cael eu dyrannu'n unol â meini prawf yr ALL.

Gall rieni ddefnyddio'u hawl i fynegi dewis ar yr amserau canlynol:

Ar dderbyniad i ysgol fabanod neu adran fabanod mewn ysgol gynradd. Mae Derbyniadau i Ysgolion Meithrin yn cael eu trin yn Adran 1.2.

Wrth drosglwyddo o ysgol fabanod i ysgol plant iau neu adran plant iau mewn ysgol gynradd;

Wrth drosglwyddo o ysgol plant iau neu gynradd i ysgol uwchradd;

Ar unrhyw amser pan fo rhieni'n dymuno trosglwyddo eu plentyn o un ysgol i un arall.

Gall rhieni hefyd fynegi dewis i'w plentyn fynychu Ysgol Wirfoddol Gymorthedig.

Rhaid i'r ALL (yn achos yr Ysgolion Cymunedol) a Llywodraethwyr Ysgol (yn achos yr Ysgolion Wirfoddol Gymorthedig a Sefydledig) gydymffurfio gydag unrhyw ddewis a fynegir, ar yr amod fod lle o fewn yr ysgol. Fodd bynnag, rhaid i'r penderfyniad i dderbyn disgyblion ystyried y canlynol:-

y ddarpariaeth gyffredinol o addysg effeithlon a'r defnydd effeithlon o adnoddau.

os ydyw'n ysgol gymysg neu un rhyw.

Adran 87 o'r Ddeddf Safonau a Fframwaith Ysgolion 1998 (a diweddariadau deddfwriaethol dilynol a Chod Derbyniadau Ysgol LIC) sydd hefyd yn rhoi'r hawl i awdurdod derbyn i wrthod dewis y rhieni am gyfnod o ddwy flynedd yn dilyn ail waharddiad neu waharddiad dilynol.

Ile bydd derbyn disgybl yn groes i'r ddyletswydd o gael uchafswm o 30 mewn dosbarth babanod oherwydd y bydd y derbyniad hynny yn gofyn am fesurau cydymffurfiaeth a fydd yn achosi rhagfarn i addysg effeithlon neu ddefnydd effeithiol o adnoddau.

Fel arfer, caiff dalgyllchoedd lleol ar gyfer ysgolion sy'n darparu addysg gynradd eu grwpio gyda'i gilydd i ffurfio dalgyllch cysylltiedig ar gyfer pob ysgol uwchradd a gynhelir.

(gweler Rhan 2.32).

Nid yw derbyniad na phresenoldeb disgyblion yn yr ysgol plant iau/gynradd gyswllt yn rhoi derbyniad awtomatig i'r ysgol uwchradd ddewisol. Mae'n rhaid i'r rhieni i gyd lenwi'r ffurflenni derbyniad ar yr amser priodol.

Mae'r holl ysgolion o fewn yr Awdurdod Lleol yn anelu at ddarparu cyfle addysgol i'w disgyblion sydd yn addas i bob plentyn unigol. Bydd gan rai disgyblion, fodd bynnag, anghenion dysgu sy'n gofyn am ddarpariaeth addysgol arbennig. Mewn rhai achosion, bydd rhieni'n derbyn cymorth ac arweiniad arbenigol yn barod wrth ystyried dewis ysgol i'w plentyn.

Anogir pob rhiant, fodd bynnag, i drafod meysydd posibl pryder gyda'u Pennaeth Lleol a all geisio cyngor arbenigol wedi hynny.

Mae'r holl drefniadau uchod yn gymwys hefyd ar gyfer yr ysgolion Cyfrwng Cymraeg o fewn yr Awdurdod. Nid yw derbyniad i Ysgolion Cynradd Cymraeg yn ddibynnol ar allu'r rhieni neu'r plant i siarad Cymraeg yn rhugl. Mae yna 11 ysgol gynradd Gymraeg o fewn yr Awdurdod ar hyn o bryd. Mae eu dalgylchoedd yn cynnwys yr holl Awdurdod ac nid ydynt yn gyfyng i ddalgylchoedd yr ysgolion cyfrwng Saesneg Lleol. Mae Ysgol Gyfun Cwm Rhymni yn darparu addysg gyfun cyfrwng Cymraeg i bob disgybl o fewn Cyngor Bwrdeistref Sirol Caerfli, gan ddibynnu ar ddewis y rhieni.

1.2 Cyfyngiadau Derbyn

Bydd pob ysgol a gynhelir yn derbyn plant i fyny at eu lefel derbyniad cyhoeddedig. Caiff plentyn fel arfer gynnig lle yn ysgol dewis cyntaf y rhiant oni bai bod yr ysgol yn llawn yn nhermau'r nifer derbyn cydnabyddedig, pan fydd hyn yn digwydd, bydd pob cais ar gyfer yr ysgol honno yn cael ei asesu yn erbyn y meini prawf gordanysgribo.

Yr oeddrannau arferol ar gyfer derbyniad yn ysgolion CBSC yw:-

3/4 oed mewn dosbarth Meithrin;

4/5 oed mewn Ysgolion Babanod a Chynradd;

7/8 oed mewn Ysgolion Iau;

11/12 oed mewn Ysgolion Uwchradd.

Bydd angen i chi gyflwyno cais ar-lein ar bob un o'r camau uchod.

Pan fyddwch yn cyflwyno cais i'ch plentyn fynychu'r dosbarth Derbyn mewn Ysgol Gynradd, ni fydd angen cais iddynt fynychu'r cyfnod Iau. Yn yr un modd, os byddwch chi'n cyflwyno cais i'ch plentyn fynychu'r dosbarth Derbyn yn Ysgol Idris Davies 3 i 18 oed, ni fydd angen i chi gyflwyno cais ar gyfer y cyfnod Iau neu Uwchradd.

Polisi'r Awdurdod yw rhoi yr hawl i le meithrin rhan amser wedi ei ariannu i holl blant 3/4 oed ym Mwrdeistref Sirol Caerfli, yn eu hysgol fabanod neu gynradd leol.

1.3 Meini Prawf Gordanyysgrifio

Mae'r rhain yn gymwys ar gyfer pob derbyniad i ysgolion sydd wedi gordanyysgrifio.

1. Plant sy'n Derbyn Gofal (sef Plant o dan ofal cyhoeddus) a'r plant hynny a oedd yn Derbyn Gofal yn flaenorol.

2. Y plant hynny sy'n byw yn nalgylch yr ysgol cyn neu ar y dyddiad cau cyhoeddedig.

Noder: Bydd y plant hynny sy'n byw yn nalgylch yr ysgol ac sydd â brawd neu chwaer eisoes yn mynychu'r ysgol yn cael eu derbyn yn gyntaf (rhaid i'r brawd neu chwaer fod o oed ysgol statudol), ac yna bydd y plant hynny sy'n byw yn nalgylch yr ysgol heb frawd neu chwaer yn cael eu derbyn.*

3. Plant gyda brodyr neu chwiorydd yn byw yn yr un cartref sy'n mynychu'r ysgol ym Medi 2020. Rhaid i'r brawd/chwaer fod o oedran ysgol statudol.

4. Ar ôl ystyried yr holl categorïau uchod, bydd y flaenoriaeth yn cael ei seilio ar agosrwydd at yr ysgol wedi'i fesur gan gronfa ddata System Gwybodaeth Ddaearyddol yr Awdurdod.

5. Mae pellter yn cael ei fesur o fynedfa neu gât agosaf y cartref i fynedfa neu gât agosaf yr ysgol.

Noder: Mae pellter yn cael ei fesur o gyfeirnod grid yr eiddo i gyfeirnod grid yr Ysgol (fel y'f cofnodydd yn y system GIS). Os yw'r ALI mewn sefyllfa lle mae unrhyw gyfeiriadau cartref yn cyfrio'r un pellter, yna defnyddir olwyn redeg i sefydlu'r cyfeiriad agosaf.

** Mae brawd neu chwaer yn blentyn sy'n frawd/chwaer, hanner brawd/chwaer (plant sy'n rhannu un rhiant cyffredin), llys-frawd/chwaer lle y mae dau o blant yn perthyn drwy briodas. Mae'r diffiniad hwn hefyd yn cynnwys plant wedi eu mabwysiadu neu eu maethu sy'n byw yn yr un cyfeiriad.*

1.4 Cyfeiriadau

Wrth ystyried a yw plentyn yn byw yn nalgylch ysgol, y cyfeiriad a ystyrir yw cyfeiriad y rhiant neu'r gwarcheidwad cyfreithiol, ni waeth beth yw trefniadau domestig teulu. h.y. ni ddylid rhoi cyfeiriad perthynas arall neu warchodwr plant ac ati. Mewn rhai achosion, efallai y bydd angen darparu tystiolaeth sy'n ymwneud â'r plentyn/plant dan sylw, er mwyn dangos cyfeiriad cartref y plentyn/plant.

Lle mae rhieni yn rhannu cyfrifoldeb am blentyn, a bod y plentyn yn byw gyda'r ddau riant am ran o'r wythnos, wedyn bydd y cyfeiriad cartref yn cael ei benderfynu fel y cyfeiriad lle y mae plentyn yn byw am y rhan fwyaf o'r wythnos (e.e.3 allan o 5 diwrnod ysgol). Bydd rhaid i rieni ddarparu tystiolaeth ddogfennol i ategu'r cyfeiriad y mae nhw eisiau iddo gael ei ystyried am resymau dyrannu.

1.5 Plant Genedigaeth Luosog (e.e. efeilliaid neu dripledi).

Os wrth gymhwyso'r meini prawf gordanysgrifo, bydd y plentyn olaf i gael ei dderbyn yn un o genedigaeth luosog e.e. efeilliaid neu dripledi yna bydd yr Awdurdod hefyd yn derbyn y brodyr/chwirydd eraill.

1.6 Plant personél gwasanaethau y DU

Bydd plant o bersonél gwasanaethau y DU yn cael eu trin fel bod o fewn y dalgylch os yw eu ffurflen gais yn dod gyda llythyr swyddogol o'r Weinyddiaeth Amddiffyn, yn datgan dyddiad dychwelyd pendant a chadarnhad o'r cyfeiriad newydd. Bydd disgyblion o du allan i ddalgylch yr ysgol yn cael eu derbyn yn unol â dewis y rhieni os nad yw Nifer Derbyn yr ysgol, dosbarth neu uned wedi'i lenwi ac, os oes rhaid gwneud dewis, bydd y meini prawf uchod yn cael ei ddefnyddio.

1.7 Plant sydd â Datganiad o Anghenion Addysgol Arbennig

O 1 Medi 2021, mae adran 48 o Ddeddf 2018 yn ei gwneud yn ofynnol i gorff llywodraethu ysgol a gynhelir yng Nghymru dderbyn plentyn i'r ysgol os enwir yr ysgol yng nghynllun datblygu unigol y plentyn at ddibenion yr adran honno, sef sicrhau bod y plentyn yn cael ei dderbyn i'r ysgol. Mae'r ddyletswydd hon yn berthnasol er gwaethaf y cyfyngiad ar feintiau dosbarthiadau babanod a hyd yn oed pe bai derbyn y plentyn yn golygu bod yr ysgol yn mynd y tu hwnt i nifer y disgyblion y mae hawl iddi eu derbyn. Mae'r ddyletswydd i dderbyn yn berthnasol bob amser, gan gynnwys os yw ysgol wedi'i henwi mewn cynllun y tu allan i'r cylch derbyn arferol.

1.8 Rhestrau Aros

Yn dilyn dyraniad llefydd yn ystod y rownd derbyn arferol, bydd unrhyw ddisgybl sydd wedi cael ei wrthod i ysgol wedi'i gordanysgrifo yn aros ar y rhestr aros ar gyfer lle gwag tan 30ain Medi y flwyddyn addysgol honno a phetai lle gwag yn dod ar gael, bydd y lle'n cael ei ddyrannu yn unol â meini prawf gordanysgrifo'r awdurdod. Ar ôl 30ain Medi, bydd angen i rieni wneud cais newydd ar gyfer lleoliad yn eu hysgol o ddewis.

2.1 Addysg Gynradd

Yn ôl y gyfraith, rhaid i bob plentyn dderbyn addysg amser llawn o ddechrau tymor yr ysgol ar ol ei ben-blwydd yn bump oed. Yn CBSC, fodd bynnag, bydd pob plentyn yn gallu dechrau ysgol amser llawn ar ddechrau'r flwyddyn ysgol (mis Medi) lle maent yn cyrraedd pump oed h.y. rhwng 1 Medi a 31 Awst. Mae modd i rieni ohirio plentyn yn dechrau'r ysgol tan y tymor yn dilyn ei ben-blwydd yn pump oed.

Dylai pob plentyn allu fynychu ysgol yn rhan amser yn y mis Medi yn dilyn ei ben-blwydd yn dair oed, ac ystyrir plant rhwng 3/4-11 oed yn ddisgyblion sy'n derbyn addysg gynradd. Ym Mwrdeistref Sirol Caerfli, darperir addysg gynradd naill ai mewn ysgolion babanod ac iau ar wahân, neu ysgol gynradd gydag un amrediad oedran cyfan o 3/4-11 oed.

2.2 Lleihau maint Dosbarthiadau Babanod

Mae dewis ysgol i blentyn ifanc am y tro cyntaf yn hynod o bwysig, i'r rhieni ac i'r plentyn hefyd. I gydymffurfio gyda deddfwriaeth Maint Dosbarth Babanod, ni fydd dosbarth babanod ysgol a gynhelir yn cynnwys mwy na 30 disgybl lle cynhelir y wers arferol gan athro/athrawes cymwys (neu lle cynhelir y sesiwn gan fwy nag un athro/athrawes cymwys, dim mwy na 30 disgybl fesul athro/athrawes).

2.3 Derbyniad i Leoliad Blynyddoedd Cynnar mewn Ysgol Feithrin

Gall plant sy'n cael eu geni rhwng 1 Medi a 31 Mawrth, fod yn gymwys i dderbyn lle Blynyddoedd Cynnar (y tymor ar ôl iddynt fod yn 3 oed) yn eu hysgol Gynradd/Babanod leol, gan ddibynnu ar argaeledd.

Lle mae ysgol wedi cyrraedd eu Nifer Derbyn yn eu meithrinfa bresennol, a lle mae'r nifer y plant o'r dalgylch yn uwch na 70%, dim ond plant sy'n byw o fewn ardal dalgylch yr ysgolion bydd yn cael eu derbyn i leoliad Blynyddoedd Cynnar.

Nodwch nad yw derbyn lle mewn lleoliad Blynyddoedd Cynnar naill ai yn nhymor y Gwanwyn neu'r Haf yn sicrhau addysg barhaol o fewn dosbarth meithrin yr ysgol. Bydd rhaid i chi wneud cais am dderbyniad i ddosbarth meithrin yr ysgol ar yr amser priodol.

2.4 Derbyniad i'r Ysgol Feithrin

Mae'r nifer o lefydd sydd ar gael mewn ysgol feithrin yn cael ei osod gan yr ALL a gwneir y penderfyniad o dderbyn eich plentyn yn unol â chanllawiau'r ALL, sy'n dilyn.

Ni fydd gan ddisgyblion sy'n cael eu derbyn i ddosbarth meithrin, hawl "awtomatig" i addysg barhaol o fewn yr ysgol honno. Rhaid gwneud cais ffurfiol ar gyfer derbyniad i'r flwyddyn derbyn ar yr amser priodol.

2.5 Trosglwyddo i Ysgolion Babanod neu adrannau Babanod o fewn Ysgolion Cynradd.

Mae'n bosibl i blant sy'n cyrraedd pump oed yn ystod y flwyddyn ysgol gael eu derbyn i ysgol/adran fabanod, ar ddechrau'r flwyddyn ysgol ym mis Medi. Ni fydd gan ddisgyblion a gafodd eu derbyn i ysgol fabanod ar wahân, hawl 'awtomatig' i addysg barhaol yn yr Ysgol Iau y mae'n ei bwydo, sydd yn gwasanaethu'r un dalgylch. Tra gwneir pob ymdrech i gynnwys y fath ddisgyblion, rhaid gwneud cais ffurfiol ar gyfer trosglwyddo i'r Ysgol Plant Iau ar yr amser priodol.

2.6 Trosglwyddo i Ysgolion Iau

Mae plant yn mynd i Ysgol Iau, neu'n trosglwyddo iddi, ar ddiwrnod cyntaf tymor yr Hydref yn dilyn eu pen-blwydd yn saith oed. Mewn Ysgolion Cynradd mae'r adrannau babanod a phlant iau yn adrannau o'r un ysgol ac mae plant yn symud drwy'r ysgol o'r adran fabanod i'r adran iau heb orfod trosglwyddo i unman arall.

Tra gwneir pob ymdrech i gynnwys y fath ddisgyblion, rhaid gwneud cais ffurfiol ar gyfer trosglwyddo i'r Ysgol Plant Iau ar yr amser priodol.

2.7 Newid Ysgolion: Addysg Gynradd

Mae newid ysgolion yn ystod addysg gynradd yn gam sylweddol i'ch plentyn ei gymryd. Yn achos symud cartref y teulu, mae'n bosibl fod y fath benderfyniad yn rheidrwydd a bydd angen i chi gysylltu â'ch ysgol

leol neu'r Gyfadran Addysg a Dysgu Gydol Oes am gymorth. Os sut bynnag, yr hoffech i'ch plentyn drosglwyddo o un ysgol i un arall, cysylltwch â'ch Pennaeth presennol yn gyntaf. Os ydych dal yn dymuno parhau gyda'r trefniadau trosglwyddo gallech wneud cais arlein yn

<https://www.caerphilly.gov.uk/Services/Schools-and-learning/Admissions-and-appeals/Primary-and-secondary-school-admissions?lang=cy-gb>.

Os oes lle gwag addas, bydd eich plentyn yn cael ei dderbyn i'r ysgol. Dylai rhieni nodi, fodd bynnag, y gall dosbarthiadau gynnwys fwy nag un grŵp oedran a bydd gan y Pennaeth y dasg o roi eich plentyn yn y dosbarth mwyaf priodol.

2.8 Derbyniad Plant i Ysgolion Uwchradd.

Mae plant fel arfer yn trosglwyddo o ysgol gynradd i ysgol uwchradd ar ddechrau'r flwyddyn ysgol yn dilyn eu hunfed pen-blwydd ar ddeg. Os yw dyddiad geni eich plentyn rhwng y 1 Medi 2011 a 31 Awst 2012 bydd ef/hi yn trosglwyddo'n awtomatig i'ch ysgol uwchradd leol ym mis Medi 2023. Bydd prifathrawon ysgolion cynradd yn gallu hysbysu rhieni o'r ysgol uwchradd arferol y dylai eu plentyn fynychu. Dylid nodi bod y cyfeiriad cartref yn dynodi pa ysgol yw'r ysgol 'dalgyllch' ac nid yr ysgol gynradd a fynychwyd. Tra y gwneir pob ymdrech i ddarparu ar gyfer eich plentyn, rhaid gwneud cais er mwyn trosglwyddo i ysgolion uwchradd ar yr amser priodol.

2.9 Newid Ysgol Uwchradd.

Mae newid ysgolion uwchradd yn gam sylweddol i'ch plentyn ei gymryd. Yn achos symud cartref y teulu, mae'n bosibl fod y fath benderfyniad yn rheidrwydd a bydd angen i chi gysylltu â'ch ysgol leol neu'r Gyfadran Addysg a Dysgu Gydol Oes am gymorth. Os, fodd bynnag, yr hoffech drosglwyddo'ch plentyn o un ysgol uwchradd i un arall, cysylltwch â'ch Pennaeth presennol yn gyntaf. Os ydych dal yn dymuno i barhau gyda'r trefniadau trosglwyddo, dylech gysylltu â'r Gyfadran Addysg a a Gwasanaethau Corfforaethol am gyngor ar wneud eich cais, a fydd wedyn ei angen yn ysgrifenedig. Wrth ystyried eich cais ar gyfer trosglwyddo, bydd yr Awdurdod Addysg Leol yn adolygu nifer y disgyblion yn y grŵp oedran priodol i'ch plentyn. Os yw'r plentyn ym mlynnyddoedd 10 neu 11, gall yr amrediad o opsiynau pwnc dewisol hefyd fod yn ffactor. Os nad yw'r flwyddyn benodol honno wedi cyrraedd cyfyngiad derbyn cyhoeddedig yr ysgol, yna bydd eich plentyn yn cael ei dderbyn i'r ysgol. Dylai rhieni nodi, fodd bynnag, y gall dewisiadau opsiwn cwricwlwm amrywio o ysgol i ysgol.

2.10 Gwneud Cais am Le

Pan rydych yn gwneud cais am le mewn ysgol benodol, rhaid i chi llenwi'r ffurflen gais sydd ar gael ar-lein yn <https://www.caerphilly.gov.uk/Services/Schools-and-learning/Admissions-and-appeals/Primary-and-secondary-school-admissions?lang=cy-gb>

Rhaid i chi wneud cais erbyn y dyddiadau cau a ddangosir isod ar gyfer derbyniad ym mis Medi 2023.

Am unrhyw gymorth gyda llenwi'r ffurflen, a wnewch chi gysylltu â Thîm Derbyniadau Ysgol ar 01443 864870.

Bydd yr All yn eich hysbysu ynglŷn ag os ydyw'n bosibl neu beidio i'ch plentyn fynychu'ch ysgol ddewisol. Mae pob ysgol yn darparu pros-bectws sy'n cynnwys gwybodaeth berthnasol gan gynnwys nodau a

chredoau addysgol yr ysgol, trefniant yr ysgol a chyfleoedd cwricwlaidd, gan gynnwys gweithgareddau allgyrsiol. Mae'r prospectws ysgol hon ar gael oddi wrth y Pennaeth.

2.11 Ceisiadau Hwyr

Bydd unrhyw geisiadau a dderbynnir ar ôl y dyddiad cau ar gyfer derbyn yn cael eu gwrthod os yw'r ysgol wedi ei gordanysgrifio oni bai bod y teulu wedi symud i mewn i'r dalgylch a bod y cais yn cael ei dderbyn cyn i'r cynnig o leoedd gael ei wneud. Os yw'r cais yn cael ei dderbyn ar ôl i'r lleoedd gael eu cynnig a bod tystiolaeth ddogfennol yn cael ei darparu i ddangos bod y teulu wedi symud i mewn i ddalgylch yr ysgol, bydd y disgybl yn cael blaenoriaeth uwch ar y rhestr aros. Yna bydd lleoedd yn cael eu dyrannu gan ddefnyddio meini prawf gordanysgrifio'r awdurdod.

2.12 Tynnu cynigion o leoedd yn ôl

Bydd y cynnig o le mewn ysgol yn cael ei dynnu'n ôl ar sail derbyn cais twyllodrus neu gamarweiniol yn fwriadol (e.e. honni ar gam bod y plentyn yn byw o fewn dalgylch ysgol).

2.13 Derbyniadau Chweched Dosbarth

Ysgolion unigol sy'n pennu pa ddisgyblion sy'n cael eu derbyn i'r Chweched Dosbarth mewn ysgolion cymunedol. Felly, dylid gwneud ceisiadau i'r ysgol yn uniongyrchol.

2.14 Amserlen ar gyfer Derbyniadau i Ysgolion Medi 2023

Ceisiadau ar gyfer Ysgolion Cyfun

Ffurflenni Derbyn ar gael i rien	1 Medi 2022
Dyddiad Cau ar gyfer Ceisiadau	28 Hydref 2022
Hysbysu'r rhieni am y canlyniad	1 Mawrth 2023

Ceisiadau ar gyfer Ysgolion Cynradd

Ffurflenni Derbyn ar gael i rien	1 Medi 2022
Dyddiad Cau ar gyfer Ceisiadau	16 Rhagfyr 2022
Hysbysu'r rhieni am y canlyniad	18 Ebrill 2023

Ceisiadau ar gyfer Ysgolion Meithrin

Ffurflenni Derbyn ar gael i rien	1 Medi 2022
Dyddiad Cau ar gyfer Ceisiadau	24 Chwefror 2023
Hysbysu'r rhieni am y canlyniad	Diwedd mis Mai 2023

2.15 Beth sy'n digwydd os gwrthodir lle i'ch plentyn?

Yn y mwyafrif helaeth o achosion cynigir llefydd i blant yn ysgol ddewis cyntaf y rhieni. Os, fodd bynnag, nad yw eich plentyn yn gallu cael ei dderbyn, rhaid i chi benderfynu os ydych yn fodlon derbyn lle a gynigir mewn ysgol wahanol, neu os ydych yn dymuno parhau gyda'ch cais cyntaf. Os ydych yn dewis y cwrs diwethaf, gallwch apelio at Bwyllgor Apelio Annibynnol. Bydd y Pwyllgor Apelio Annibynnol hwn yn barnu a yw'r ysgol yn llawn ac os felly, a yw cais y rhiant mor gryf fel y dylid parhau i gynnig lle i'r plentyn.

Dylid nodi nad oes gan ddisgyblion Meithrin yr hawl i apelio.

2.16 Cofrestru eich Apêl

Gallwch wneud apêl ffurfiol yn erbyn penderfyniad yr ALI, ond rhaid derbyn hwn o fewn 28 diwrnod calendr o'ch hysbysu ynglŷn â'r penderfyniad i beidio â derbyn eich plentyn i'ch ysgol ddewisol. Dylech anfon yr apêl ymlaen yn ysgrifenedig i'r Gyfadran Addysg a Dysgu Gydol Oes. Bydd yr ALI yn cyfeirio'r apêl at Isadran Gyfreithiol y Cyngor er mwyn trefnu i'r apêl fynd at y Pwyllgor Apelio Annibynnol a fydd yn gosod amser a lle ar gyfer y gwrandawriad. Bydd y Panel yn rhoi cyfle i'r rhieni ymddangos i gyflwyno eu cais (boed ar lafar neu'n ysgrifenedig). Gall rhieni ceisio mynediad i ysgol arall tra maent yn dilyn apêl.

Fodd bynnag, cynghorir rhieni :-

Bod hawl ganddynt ddewis peidio â mynychu'r cyfarfod apêl ac, yn lle hynny, caniatáu i'r apêl gael ei hystyried ar ffurf datganiad ysgrifenedig;

Y caiff yr apêl ei benderfynu ar sail yr wybodaeth sydd ar gael os, ar ôl methu â rhoi esboniad boddhaol, nid ydynt yn ymddangos yn yr apêl;

Y byddant yn cael o leiaf 14 diwrnod o rybudd ysgrifenedig (o'r dyddiad postio) yn eu hysbysu o ddyddiad cyfarfod y Panel Apelio;

Bod croeso iddynt ddod â ffrind, neu gael eu cynrychioli gan gyfreithiwr/wraig, ond y dylid, yn yr achos diwethaf, hysbysu'r Gyfadran Addysg a Dysgu Gydol Oes o leiaf saith diwrnod cyn y gwrandawriad.

Nodwch fod Pwyllgorau Apelio ar wahân yn gwrandao ar apeliadau yn erbyn penderfyniadau Llywodraethwyr Ysgolion Gwirfoddol Cymorthedig neu Sefydledig. Rhaid cael cyngor felly am apêl o'r fath oddi wrth yr Ysgol berthnasol.

Noder bydd cyfyngiad ar bwerau'r panel apelio i gefnogi apeliadau yn erbyn gwrthod rhoi lle i blentyn mewn ysgol lle mae deddfwriaeth maint dosbarthiadau babanod yn berthnasol.

Ni fydd yr Awdurdod yn ystyried ail gais am dderbyniad oni bai bod newid sylweddol mewn amgylchiadau (a byddai angen tystiolaeth o hyn).

2.17 Gwahaniaethu yn erbyn Anabledd

Mae gan y Cyngor Strategaeth Hygyrchedd ar waith sy'n rhoi manylion am sut y bydd y Cyngor yn cwrdd â'i ddyletswyddau anabledd o dan Ddeddf Cydraddoldeb 2010 a'r ddeddfwriaeth gwahaniaethu yn erbyn anabledd blaenorol.

Mae'r Strategaeth yn cynnwys pob agwedd o hygyrchedd gan gynnwys derbyniad i adeiladau, y cwricwlwm a gwybodaeth ysgrifenedig. Mae'r strategaeth yn cynnwys cynlluniau'r Cyngor i wella mynediad corfforol i adeiladau ysgol ar draws y fwrdeistref i leihau'r rhwystrau i ddisgyblion anabl sydd am dderbyn addysg. Mewn nifer o achosion oherwydd topograffeg safle ysgol, efallai nad yw'n cael ei ystyried yn hygyrch ar gyfer plentyn ag anabledd corfforol. Mewn achosion o'r fath, bydd rhieni/gwarcheidwaid yn cael eu darparu gyda manylion o'r ysgol hygyrch agosaf a fydd yn gallu cwrdd ag anghenion y plentyn.

Mae ffurflenni derbyn yn cael eu sgrinio gan Addysg er mwyn amlygu unrhyw blant sydd â chyflwr meddygol/anabledd corfforol. Cysylltir â rhieni ar y cyfle cyntaf i drafod anghenion y plentyn a bydd lleoliad ysgol addas yn cael ei ystyried. Mae'r Ysgol a Swyddogion y Cyngor yn gweithio'n agos gyda rhieni i sicrhau bod asesiadau manwl mewn lle i gefnogi cynhwysiad disgyblion, lle bo hynny'n bosibl, o fewn eu dewis ysgol.

2.18 Defnydd o Leoliadau Addysg

Mae'r Awdurdod Lleol yn adolygu'n barhaol y defnydd o leoliadau addysg ym mhob ysgol Fabanod, lau a Chynradd ac wedyn yn diweddarau'r Rhif Capasiti a Derbyn i adlewyrchu'r adolygiad hwn. Bydd dyraniad lleoedd yn cael ei wneud gan ddefnyddio Trefniadau Derbyn a gyhoeddir gan yr Awdurdod.

2.19 Fforwm Derbyn

Yn unol â Rheoliadau Addysg (Fforymau Derbyn) (Cymru) 2003 mae'r Awdurdod wedi sefydlu Fforwm Derbyn a fydd yn ein galluogi i ddod ag awdurdodau derbyn ac eraill ynghyd sydd yn ymwneud â'r broses derbyn o fewn yr ardal.

2.20 Polisi'r Iaith Gymraeg

Yn unol â Strategaeth Addysg Cyfrwng Gymraeg (Ebrill 2010) Llywodraeth Cymru, polisi'r ALI yw y dylai bob plentyn gael y cyfle i ddysgu a defnyddio'r iaith Gymraeg yn effeithiol. Yn gyfredol gwneir darpariaeth ar gyfer hyn yn y ffyrdd canlynol, yn unol â Chynllun Strategol y Gymraeg mewn Addysg.

Mae addysg ar gael mewn Ysgolion Cynradd Gymraeg i'r holl ddisgyblion y mae eu rhieni yn dewis y cyfrwng addysg hwnnw. Er mai prif gyfrwng yr hyfforddi yw Cymraeg, gall ddisgyblion yng Nghyfnod Allweddol 2 hefyd astudio rhaglenni astudiaeth y Cwricwlwm Cenedlaethol ar gyfer Saesneg i'r lefel briodol.

Bydd disgyblion yn gallu parhau gyda'u haddysg mewn Ysgol Gyfun Cyfrwng Gymraeg.

2.21 Dysgu Cymraeg fel ail iaith mewn Ysgolion Cyfrwng Saesneg.

Yn y cyfnod sylfaen, dysgir Cymraeg i bob disgybl. Rhoddir y pwyslais ar ddefnyddio'r iaith gyda phwrrpas ac mewn sefyllfaoedd ysturlon. Yn ychwanegol, anogir defnydd achlysurol o'r iaith yn ystod y diwrnod ysgol.

Yng nghyfnod allweddol 2, datblygir yr iaith lafar ymhellach, a rhoddir mwy o sylw i sgiliau dysgu, darllen ac ysgrifennu.

Yng nghyfnod allweddol 3 a 4 dysgir Cymraeg i'r disgyblion i gyd. Darperir cyfleoedd ym mhob ysgol i ddisgyblion barhau â'u hastudiaethau ar gyfer arholiadau 16+ a lefel "A".